

合肥縣志卷第五

賜進士出身廬州府合肥縣知縣左輔纂修

營建志

城 據潛阜基周四千七百六丈計二十六里有奇
正西西南牆皆緣岡高二丈四尺有奇南東北列平
地高二丈八尺至三丈不等底闊四丈餘斂八尺堞
四千五百七十八望臺二十八門七水關二
南二門 左曰南薰樓三楹右曰德勝樓三楹月城
頂皆石臺

東二門 左曰威武樓五楹二層月城樓三楹門外
有陷馬坑方丈深倍之上布石作道右曰時雍樓三
楹月城頂有石臺

合肥縣志卷五

志

一

西二門 左曰西平樓五楹有銅身關帝像右曰水
西樓三楹月城頂皆石臺池南舊有旱西門今塞
北一門 曰拱辰樓三楹月城頂有石臺

按漢獻帝時劉馥造合肥空城建立州治梁天建
年韋叡攻合肥堰肥水潰城古合肥城也寰宇記
合肥古城在城北漢置舊志在縣治東北已無遺
址可尋而地勢城北實下宜可灌也今南半城名
金斗城輿地紀勝云隋開皇五年置蓋漢城既壞

改築土城於今所至唐代宗時廬州刺史路應

舊志

作應求今從韓昌黎神道碑

始加髡宋孝宗乾道五年淮西帥

郭振又拓其北名斗梁城

見輿地紀勝及天下名勝志

迄今因

之元至正時城圯僉事馬世德修築有余忠宣公碑記明正德間屢修知府徐鈺又塞旱西門開水西門竝築月城有兵部尚書喬宇邑人潘鏗碑記崇禎十五年張獻忠襲城雉堞多燬皖撫史可法令知府周有翼知縣黃鍾鳴完葺 國朝乾隆二十七年總督尹繼善巡撫托庸疏修有知府王成碑記嘉慶五年知縣左輔又修有碑記竝載集文

合肥縣志卷五

志 一一

水關二 一在水西門左二空俱塞一在威武門右五空邊岸二空塞中空鐵檻木柵左右二空鐵柵關內面西有分水二座

按金斗河卽肥河爲唐時城北濠宋郭振拓城河乃貫城東出明正德間知府徐鈺籌禦劉七之亂以西北隅單弱乃塞西水關導水爲北濠又塞旱西門而另建水西門竝築月城以爲固由是金斗河漸湮城無源泉僅資井汲市肆百貨陸運孔艱今若濬河啟關分引河流仍貫城東出復與北濠水合卽遇盛漲無虞衝激而城中舟楫交通源泉

支貫民利益溥前人黃道月田實發均有議開此
河者當與同志共謀之議竝載集文

池 北濠闊五丈至十丈不等西濠曰黑池池南曰
石河均闊十丈至二十丈不等地勢南高北下設壩
蓄水西南益高水不能周南濠曰包公池闊二十丈
至三十丈不等深七尺至一丈二尺不等

夾城 傅時雍門月城北南北牆各長三十四丈中
寬八尺去地三之一甃列鎗孔南北各五南牆下小
門一高五尺東抵河岸為礮臺崇禎間知府吳大朴
備寇增建邑人張拱垣有記節附

郡為陪京門戶陵寢咽喉寇一歲兩

合肥縣志卷五

志 三

加憑陵郡守吳師禦之皆獲勝算如冒雨巡城迴風
返火未可一二悉數也城西南形勢突兀濠復寬深
賊不敢仰窺獨東北一帶地脈平衍濠水直注巢湖
為賊所必攻之處師以全城攸繫故築堤於水關之
東設敵臺於堤之南使相應役竣而
城之東北屹若金湯闔郡生靈永賴矣

滾水壩二 一在德勝門外弔橋下西南隅積水由
此入包公池一在時雍門外礮臺夾牆下包公池水
溢由此入肥河

石閘 在東城外三里明萬厯間知縣胡震亨建有
寶子偁碑記載集文乾隆二十七年知府王成修復
今稱王公閘

公署

縣署 在後大街照牆一座頭門三間儀門五間戒石坊一座大堂五間右外庫二間堂前東西班房各三間東西科房各九間堂後爲外宅門門東房四間二堂三間堂東房二間三堂三間爲鏡心堂知縣李魏題東廂房三間西二間後爲內宅門門東耳房二間正房五間東西廂房各三間後房三間西廂房三間二堂西有廊廊南花廳三間爲亦吾廬知縣左輔題前爲射圃亦吾廬北內庫一間池西舊花廳三間爲愜心堂知縣廖景文題後西書房三間後從房三間餘房九間東書房前後各三間前東西廂房各二間

間後東西廂房各三間東書房前廚房四間餘房五間
署本余忠宣公宅在府署西明洪武初知縣張義改建弘治中知府宋鑑修葺拓其基北至正房止乾隆三十六年府照磨職裁署基并縣卽後房及西廂餘房地也署西有丞簿尉諸廨署及監獄崇禎間城破盡燬嗣後歷任知縣隨時修建惟縣丞以下諸署未復今其址爲馬王廟

縣監獄 在縣署頭門內西

縣土地祠 在縣署頭門內東

縣丞署 在前大街正房二十一間廂房八間

舊在縣西明季兵燬乾隆五十二年買廖姓民房
作衙署交代

主簿署 舊在縣署西明末職裁署旋燬

典史署 在金家巷正屋十五間廂房九間

舊在縣署西明季兵燬乾隆四十五年買葛姓民
房作衙署交代

青陽巡檢司署 乾隆三十六年建在城南七十里
青陽鎮頭門三間大堂三間門房一間客廳三間住
房六間廂房四間廚房三間

合肥縣志卷五

志 五

官亭巡檢司署 乾隆三十六年建在城西九十里
官亭鎮照牆一座頭門三間大堂三間客廳三間書
房三間住房六間廚房三間下房三間

梁縣巡檢司署 在城東北七十里梁縣鎮照牆一
座頭門三間大堂三間客廳三間書房三間住房六
間廚房六間下房六間

城守營把總署 在南門大街買民房作交代

稅課司署 舊在鎮淮樓後明萬历年職裁署廢

陰陽學 在府學東南今圮

醫學 舊廢今在府治南橫街三皇廟明萬历年建

有邑人蔡悉碑醫學正科江友翰記

僧綱司 在明教寺

道紀司 在白鶴觀

行署

督學試院 俗名大書院在南門大街西書院巷順治年廬州府崔允宏建照牆一座大牌樓一座有柵欄

鼓吹亭二座官廳三間儀門三間龍門一座東西考棚三十六間大堂三間東西班房各一間二堂四間門房一間川堂三間上房五間有樓樓後共九間樓西承差奏廳房各三間包公祠土地祠各三間廚房

合肥縣志卷五

志 六

三間柴房三間茶庫房一間吏房東廁二間

廬鳳道舊署 今爲 萬壽亭在府學東乾隆二十六年知府王成建照牆一座頭門三間東西朝房各十間大殿三間龍亭一座知府王成有碑記載集文上察院 在府學東今廢

中察院 今改廬州衛署在和平橋西

下察院 本馬政公館在和平橋西今察院亦廢惟馬神廟存

教場 在拱辰門內演武廳三間後廳三間東廂房三間揖讓堂三間

火藥局 在教場東正屋三間看守兵房一間乾隆四十四年建

府南公館 舊志在府前巷為通判徵糧之所今廢

城內公館 在西平門大街正屋廂房共五十四間

乾隆四十五年知縣那澄流交

東關公館 在威武門外正屋廂房共二十間乾隆三十

一年知縣張鍵詳建

護城公館 在護城鎮正屋十八間廂房六間乾隆四十

年知縣那澄詳建

店埠公館 在店埠鎮正屋十九間廂房六間乾隆五十

合肥縣志卷五

志 七

七年知縣李法詳建

館驛公館 在派河驛正屋二十間乾隆五十七年知縣李法詳建

梁縣公館 在梁縣街正屋十一間廂房二間乾隆五十

七年知縣李法詳建

倉廩

永豐倉 在府城隍廟西北知縣宋鑑造大門十一

間廩房三十三間廂房八間現貯常平倉穀

惠民倉 舊係府倉在小東門大街南有倉巷門樓

一座廩房十二間神堂一間廂房一間乾隆三十年

將存貯穀石歸併縣倉今倉屋尚存

內倉 卽小惠民倉在金斗號西廡房二十一間分貯常平倉穀

以上常平倉

漕倉 在縣治東廡房六間

海寧倉 在小東門外倪家圩下廡房二十五間現存六間餘倒塌

以上漕倉每年收漕於縣治東倉以次轉貯海寧倉然後水運至巢縣交兌

本仁倉 在東鄉騎龍集

乾隆三十四年倒塌

宏濟倉 在東鄉三河鎮

合肥縣志卷五 志 八

廣義倉 在西鄉青陽鎮

惠濟倉 在北鄉店埠鎮包城寺後

乾隆四十五年倒塌

博愛倉 在北鄉梁縣鎮

以上社會

院局

養濟院 有養濟院巷在小東門大街西南房五十八間收養孤貧額內二百二十九名額外三十名每名日給銀一分

育嬰堂 在德勝門大街本府同知署基乾隆十年改建正屋十五間東西號房十間倉房三間收養嬰

孩招募乳婦俱無定額乳婦每名月給米三斗嬰孩各給衣裙係府經理

漏澤園 舊在西平門外今廢

廣益局 在後大街府署東正屋并樓共二十間乾隆二十五年知縣廖景文建有禁約碑知府王成立

又有置田碑知府王均立

窩舖十七所

府前一 城隍支

道前三 鎮淮樓 縣橋南巷口 河平橋

威武門內二 明教寺旁 蝴蝶巷口

倒塌

合肥縣志卷五

志 九

德勝門內二 德勝門街 三孝子街路東

西平門內二 西門口 三孝子街口

拱辰門內五 劉衣巷 陳家巷口 十字街

倒塌

醋瓶巷口

倒塌

縣橋頭

倒塌

威武門外二 官渡橋 大安橋

倒塌

義塚

城內一 惠民倉西孫玉銓等公捐地一塊立有碑
葬府縣署家人之無歸者

南鄉三 棗樹岡北二里任姓捐地一塊 袁家店
東南劉友山捐地一塊 清平守南舒城監生沈鑑
捐地一塊 大龍塘貢生盛酉書捐地一塊

西鄉五 雞鳴山西土民屯邱常有禮捐地一塊
井張舖荒岡監生金國成捐地約種二石餘 井張
舖東北約種石餘 五十里廟東南約種二石 分
路口北約種石餘捐地人皆無考近貢生沙峻捐種

五斗餘

又大東門外三里岡荒地一塊 白衣庵前荒地一
塊 德勝門外古南塘荒地一塊 大西門外八里
岡荒地一塊 五里墩地一塊 水西門外羅家塘
地一塊 北門外三里廟荒地一塊 西鄉雞鳴山
荒地一塊皆郭紀熙捐又南門外大路南首地一塊
郭紀熙沙位同捐 又大西門外三里堰地一塊八
百餘步林玉先等捐共地十塊俱歸廣益局又北鄉
碑棚岡地十餘畝廣益局置

合肥縣志卷第五